



Općinski štab civilne zaštite

Broj: 09/1-40-1-2280-11/2020
Hadžići, 20.05.2020. godine

Na osnovu člana 108. Zakona o zaštiti i spašavanju ljudi i materijalnih dobara od prirodnih i drugih nesreća („Službene novine Federacije Bosne i Hercegovine“ broj 39/03, 22/06 i 43/10), člana 29. stav 1. alineja 3. Pravilnika o načinu rada i funkcioniranja štabova i povjerenika civilne zaštite („Službene novine Federacije Bosne i Hercegovine“ broj 77/06, 05/07 i 32/14) i člana 19. Poslovnika o radu Općinskog štaba civilne zaštite broj 09/1-44.5-8423/2007 od 06.09.2007 godine, Općinski štab civilne zaštite na četvrtoj vanrednoj sjednici održanoj 19.05.2020. godine d o n o s i

Z A K L J U Č A K

o ublažavanju ekonomskih, socijalnih i zdravstvenih posljedica uzrokovanih proglašenjem stanja prirodne i druge nesreće zbog opasnosti od širenja zarazne bolesti uzrokovane koronavirusom (COVID-19)

1. Putem Službe za privredu, finansije i inspekcijski nadzor objaviti Javni poziv na oficijelnoj web stranici i oglasnoj ploči općine Hadžići za pravna lica, odnosno privredna društva (izuzimajući javna preduzeća, banke i druge finansijske organizacije, udruženja i javne institucije) i fizička lica koja samostalno obavljaju registrovanu poslovnu djelatnost, a čije je sjedište na području općine Hadžići, za subvencioniranje ekonomskih posljedica nastalih obaveznom privremenom obustavom rada.

Javni poziv se odnosi samo na ona pravna lica, odnosno privredna društva i fizička lica koja samostalno obavljaju poslovnu djelatnost na koje se odnosila naredba Federalnog štaba civilne zaštite o privremenoj obustavi rada.

2. Putem Službe za privredu, finansije i inspekcijski nadzor objaviti Javni poziv za građane općine Hadžići za subvencioniranje nabavke poljoprivrednih mašina, junica, pumpi za navodnjavanje sa crijevima i plastenika.
3. Putem Službe za boračko-invalidsku, socijalnu i zdravstvenu zaštitu, izbjegla i raseljena lica pokrenuti postupak hitne nabavke 1 354 (slovima: hiljadutristopedesetčetiri) paketa sa prehrambenim i ostalim artiklima za socijalno ugrožene porodice na području općine Hadžići.
4. Organizaciona jedinica Dom zdravlja Hadžići da u saradnji sa Javnom ustanovom Dom zdravlja Kantona Sarajevo i nadležnim kriznim štabom uspostavi stari režim rada (prije proglašenog stanja prirodne i druge nesreće) po pitanju radnog vremena, naručivanja pacijenata za pregled i daljeg postupka.

5. Izvršiti opremanje Organizacione jedinice Dom zdravlja Hadžići jednom novom stomatološkom stolicom i jednim novim EKG aparatom. Zadužuje se direktor Organizacione jedinice Dom zdravlja Hadžići da sačini zahtjev sa tehničkim specifikacijama ovih materijalnih sredstava i isti dostavi općini Hadžići radi pokretanja postupka nabavke.
6. Veterinarska ambulanta Hadžići da, u cilju zaštite zdravlja građana i životinjskog fonda, vrši besplatno dijagnosticiranje domaćih životinja.
7. Putem Službe za razvoj i stambeno-komunalne poslove stalno unapređivati higijensko-epidemiološke mjere u smislu redovnog održavanja puteva, rigola, propusta, odvoza smeća i sl.
8. Putem Službe za civilnu zaštitu i mjesne zajednice inicirati Federalnoj upravi civilne zaštite stavljanje van snage naredbe koja se odnosi na obavezno nošenja lične zaštitne opreme na otvorenom prostoru (maska, pamučna traka, šal i sl.).

DOSTAVITI:

1. Službi za privredu, finansijije i inspekcijski nadzor,
2. Službi za boračko-invalidsku, socijalnu i zdravstvenu zaštitu, izbjegla i raseljena lica,
3. Službi za razvoj i stambeno-komunalne poslove,
4. Službi za civilnu zaštitu i mjesne zajednice,
5. OJ Dom zdravlja Hadžići,
6. Veterinarskoj ambulanti Hadžići,
7. A r h i v i, -

K O M A N D A N T
OPĆINSKOG ŠTABA CIVILNE ZAŠTITE

Hamdo Ejubović, dipl.ing.maš.

